



۱۹ رمضان

اعتقاد لری

اگستوس ۹

جمعه کونلری شیر اولنور-اسبوعی اسلام جریده سیدر .

فریضة صوم

اسلامتک عهدہ مزہ توجیه ایتمش اولدینی
وظیفه لر دن هر بری بیکلرجه فوائد ماده نك ،
بیکلرجه منافع معنویه نك بر تحلیکاه مقدسیدر .
وظائف دینه مزدن هیچ بری تصور
اولنه مازکه اک منور عالمک . اک پارلاق فکری
حکیملرک درجه ادراکندن عالی بیکلرجه
محاسن لدینه بی حاوی بولماسین .

ازجه وظائف دینه مزک اک بیوکارندن
اولان فریضة صومی نظر دقتہ آلیز ؛ حائر
بولدینی حکم شرعیہ بی مطالعه ده بولنور ایسه ک
بومجل وظیفه نك عالم اسلامیت ایچون نه بیوک
بر نعمت ، نه علوی بر سعادت اولدینی درحال
آکلارز .

اورچ طوتان ذات ، انلینک ، او معبود
قدیمک بک مقدس بر امر جلبلنه امتثال ایتک
شرقی حائر بولندیغندن چهره دیانت پرورینه
دقت ایدیلنجه کوریلرکه : سیای لطیفندن علوی
نورلری سربیلور ، کوزلرندن بر تو هدایت
لما نه باشلامش ، قلبی تحلیات سبحانیه دن متحصل
بر انشراح فیضا فیضه مظهر اولمش طور بیور .

فریضة صومک تهذیب اخلاق ، تصفیة
وجدان خصوصندن کی تاثیرات لطیفه سی بک
بیوکردر . صائم موقت بر آجلک تاثیریه ارباب
فقر و احتیاجک حال فقیرانه سی دوشنور ؛
همچنسنک امدادینه قوشمق اوزره کندینده
بر حس تعاون اویانیر ؛ قلبده رقت ، دماغده
نورانیت حصوله کلیر ؛ ناصیه احوالنده باشقه
بر تجلی ، باشقه بر تعالی برق اورر طورر .

رمضان کونلرنده بعض صائمله تصادف
ایدرسکزکه کونشک حمله کاه غروب زریں ضیا
لریله یالدىزلامغه باشلادینی بر زمانده انوار
قدسیه نك جلوه کاهی بولان بر جامع نورلامعدن
جیقمش ؛ افراد عالمه سی آراسنده کمال سعادتله
افطار یایمق اوزره یواش یواش خانه سنه طرف
عزیمت ایدیور ؛ دیکله مش اولدینی نصایحک
حسن تاثیریه فکرنده کشایش ، قلبنده انشراح ،
اخلاقده بر صافیت حصوله کلش ؛ استماع
ایلدیکی آیات فرقانیه نك فیض ساهیلرله روحی
غشی اولمش ؛ کوزلرندن ابدیت اقلرینه طوغری
برر شعله عبودیت یوکسلمش کیدیور .

ایشته رمضان شریفده هر مؤمنک ناصیه
خالندن باشقه بر صورتده نمایان اولان بو بدایع

جمله ، بو فضائل علویه ، بو محاسن اخلاقیه
بتون اوروج دینیلن بر وظیفه مقدسه نك اجرا
سندن منبعث تجلیات لاهوتیه دن باشقه بر شی
دکادر .

اوروجك حائز بولندینی منافع عظیمه یالکیز
معنویاتی می عائددر؟ البته دکادر . بر کره صومك
فوائد طیه سنی ملاحظه بیوریکیز ، نه قدر
مهمسدر ! . معلومدر که هر انسان وظائف
عضویه سنی تنظیم ، فعالیت دماغیه سنی تأمین ،
حرکات حیاتییه سنی تکمیل ایچون مهم بر ریاضت
بدنیهیه محتاجدر . فریضه صوم ایسه بور ریاضت
مهمه نك اجرایی ایچون اك مکمل بروسیله در .
شو بر آی ظرفنده صائمك حیات عضویه سنده
بر انباه تام حصوله کایر ، فعالیت دماغیه سی
تکمل ایدر ، احوال حیاتییه سنده مکمل بر
انتظام مشاهده اولنور ، مستعد بولندینی بر طاقم
امراض بدنیه دن خلاص اوله رق صحت وجودی
تحت مصونیه آلمش اولور .

ایشته فریضه صوم ، سعادت بشریه یی
تأمین ایده جك دینی ، اخلاقی ، طبی شوقدر
فوائد جلیله یی جامع بولندینی حاله - مع التأسف -
بونى تقدیر ایده مینلر ؛ شهوات حیوانیه سینه
مغلوب اوله رق بو مقدس وظیفه نك اجرا سنده
قصور ایلینلر دخی کوریلور .

رمضان شریفی علویته متاسب عبادت
وطاعت ایله احیا ایتمه من لازم کلیر ایکن هیات که
بز دهها زیاده معیشت طائفه لری آره سنده
یورالانیور ؛ دهها زیاده حظوظات نفسانییه منی
تطمین ایچون هر طرفه جان آتیور ؛ بوقیمتدار
معالیرور کونلریمزى لهو و لعب ایله غافلانه
اضاعه ایدوب طور بیوریز .

بز غرب بر تحلی به مظهر مخلوقز ؛ بز
یانمزده حیات مادیه و مغنویه نك اصلا قیمتی
یوقدر ؛ حیات نك اك معزز ، اك معتبا کونلری
محو اولیور مش ؛ ماحصل حیاتمز بر حرمان
مؤبدن عبارت بولمش نه ضرری وار ! . بز
اصلا آلدیرماز ! .

بز نه وظائف دینه منی ایضیه چالیشه رق
آخرتمز یابارز ؛ نه ده امور دینه منی حسن
اداره یه غیرت ایدرک دنیای الده ایدرز . جهان
بشریت کوندن کونه یوکسیلور مش ؛ باشقه
افقلردن سعادت نورلری یاغیور مش ؛ باشقه
برلرده نك نك فضیلت چیچکلری آچلیور مش
بزینه آلدیرماز ! . بز ظلام آلود بر محیطك
قسوت آور بوجاقلرنده فقر ومذلتله یاشامنی ؛
حیاتمزك زهرا به عجز و مسکنتله عدم آباده
کیمه سنی هر شیده ترجیح ایدر ؛ اسلامیتك
کوستردیکی شهزاده نورانیی ترک ایدوب کیدرز ! .

آه ! . اگر بز وظائف دینه منی حقیله
بیلسه ایدك ؛ بز معالی اسلامیه یی بحق آکلایه رق
مقدساته قارشو اعلان جهاد ایتمسیدك ؛ بز او امر
شرعییه کاینی امتثال ایدرک مکارم اخلاق ایله
ترین ذات ایتش بولنسه ایدك ؛ هیچ شو حال
طاقتفرسیایه معروض قالیرمی ایدك ؟ ... هیچ
شو اوچ یوز میلیونلق عالم اسلامیت دشمنلرک
اسارتی آلتنده یاشامق ذلتنه قاتلانیر طور درمی
ایدی ؟ .

« یارب بزه بر ار بولنوب همت ایدرمی ؟ .
یوقسه کونمز بویله فلا کتله کیدرمی ؟ . »
فاتح درساملرندن ارضرو ملی :

عمر نصوحی